



PARLAMENTARNA SKUPŠTINA U PROGRAMU KID'S FESTIVALA

*Učenici osnovne škole iz Drvara u
posjeti Parlamentarnoj skupštini BiH*



PSBiH U RAZDOBLJU OD 1. SVIBNJA DO 30. LIPNJA 2012.:

**ZASTUPNIČKI DOM ODRŽAO JE 4 SJEDNICE I
USVOJIO 8 PRIJEDLOGA ZAKONA**

**DOM NARODA ODRŽAO JE 4 SJEDNICE I
USVOJIO 7 PRIJEDLOGA ZAKONA**

**ODRŽANA PRVA POSEBNA ZAJEDNIČKA SJEDNICA
OBAJU DOMOVA PARLAMENTARNE SKUPŠTINE BiH**

**ЧЛАНОВИ КОЛЕГИЈУМА ОБА ДОМА ПАРЛАМЕНТАРНЕ
СКУПШТИНЕ БиХ РАЗГОВАРАЛИ СА МИНИСТРОМ
СПОЉНИХ ПОСЛОВА РЕПУБЛИКЕ ТУРСКЕ**

**ПАРЛАМЕНТАРНИ ВОЈНИ ПОВЈЕРЕНИК БиХ
ПОСЈЕТИО ПРИПАДНИКЕ ОРУЖАНИХ СНАГА БиХ
КОЈИ СЕ НАЛАЗЕ У МИРОВНИМ МИСИЈАМА У
АВГАНИСТАНУ**

**У ОРГАНИЗАЦИЈИ КЛУБА ПОСЛАНИКА СДС-а
ОДРЖАН ОКРУГЛИ СТО ПОД НАЗИВОМ
"УЛОГА МЕДИЈА У ПОЛИТИЧКОМ ЖИВОТУ"**

**ОДРЖАН ПРВИ РЕГИОНАЛНИ САСТАНАК СЛУЖБИ
ЗА ИТ ПАРЛАМЕНТА ИЗ РЕГИОНА**



Parlamentarna skupština
Bosne i Hercegovine
Sekretarijat PSBiH
Informaciono - dokumentacioni sektor
Odjel za izdavačku djelatnost i publikacije

Za izdavača:
Ferid Buljubašić,
sekretar Zajedničke službe PSBiH

Glavna urednica:
Lejla Tafro-Sefić,
rukovodilac Indok sektora

Urednik:
Omar Filipović

Saradnik na pripremi:
Edin Isanović

Korektura:
Željka Omeragić

Uz Indok sektor sarađivao:
Sektor za odnose s javnošću

Lektori:
Lejla Nuhodžić
Tamara Čapelj
Aleksandra Aginčić

Design/DTP:
Omar Filipović
Željka Omeragić

Štampa:
CPU d.o.o.

Izdanja Parlamentarne skupštine BiH

Godina VI.
Bilten br. 3
Sarajevo, 2012. godine
ISSN 1840-3166



SADRŽAJ

ZAKONODAVNA AKTIVNOST PREDSTAVNIČKOG DOMA PSBiH U MAJU I JUNU 2012.	4
ZAKONODAVNA AKTIVNOST DOMA NARODA PSBiH U MAJU I JUNU 2012.	5
POSLANIČKA I DELEGATSKA PITANJA	6
AKTIVNOSTI STALNIH KOMISIJA PSBiH	7
DELEGATKINJA U DOMU NARODA PSBiH BORJANA KRIŠTO, POVODOM OBILJEŽAVANJA DANA EVROPE, DOBILA PRIZNANJE EVROPSKOG POKRETA U BiH „EVROPSKA PARLAMENTARKA BOSNE I HERCEGOVINE“	12
ODRŽANO STRUČNO SAVJETOVANJE USTAVNOPRAVNIH KOMISIJA PSBiH O TEMI: „POSLOVNICI OBA DOMA PARLAMENTARNE SKUPŠTINE BOSNE I HERCEGOVINE: ŠTA MIJENJATI?“	14
U ORGANIZACIJI KLUBA POSLANIKA SDS-a ODRŽAN OKRUGLI STO POD NAZIVOM „ULOGA MEDIJA U POLITIČKOM ŽIVOTU“	16
ODRŽANA KONFERENCIJA O TEMI: „DEMOKRATSKA KONTROLA NAD ORUŽANIM SNAGAMA KAO OSNOVNI PRINCIP REFORME SEKTORA SIGURNOSTI - REGIONALNA PERSPEKTIVA“	16
PARLAMENTARNI VOJNI POVJERENIK BiH POSJETIO PRIPADNIKE ORUŽANIH SNAGA BiH KOJI SE NALAZE U MIROVNIM MISIJAMA U AFGANISTANU	18
DELEGACIJA PSBiH BORAVILA U KANADI	19
ZAMJENIK PREDSEDavajućEG DOMA NARODA OGNJEN TADIĆ I ZAMJENIK PREDSEDavajućEG PREDSTAVNIČKOG DOMA DENIS BEĆIROVIĆ UČESTVOVALI NA PRVOM SVJETSKOM SAMITU ZAKONODAVACA U RIO DE ŽANEIRU	19
GRUPA PRIJATELJSTVA BUNDESTAGA BORAVILA U POSJETI PARLAMENTARNOJ SKUPŠTINI BiH	20
ČLANOVI KOLEGIJA OBA DOMA PARLAMENTARNE SKUPŠTINE BiH RAZGOVARALI S MINISTROM VANJSKIH POSLOVA REPUBLIKE TURSKE	21
ČLANOVI KOLEGIJA PREDSTAVNIČKOG DOMA PARLAMENTARNE SKUPŠTINE BiH ODRŽALI SASTANAK S PREDSEDNIKOM PREDSTAVNIČKOG DOMA PARLAMENTA ITALIJE	22
ODRŽAN PRVI REGIONALNI SASTANAK SLUŽBI ZA IT PARLAMENTA IZ REGIONA	24
PARLAMENTARNA SKUPŠTINA BiH U PROGRAMU KID’S FESTIVALA	26

ZAKONODAVNA AKTIVNOST PREDSTAVNIČKOG DOMA PSBiH U MAJU I JUNU 2012.

Predstavnički dom PSBiH zasjedao je ukupno četiri dana. Održane su četiri sjednice i raspravljano je o 80 tačaka dnevnog reda. Najmanje tačaka imala je 30. sjednica - 10, a najviše 27. sjednica - 28. Najduže je trajala 27. sjednica - 10 sati i 15 minuta, dok je najkraće trajala 30. sjednica - 2 sata i 50 minuta. Na sjednicama Predstavničkog doma PSBiH razmatrano je 13 zakona. Usvojeno je osam prijedloga zakona (od toga dva po hitnom postupku). Tri zakona su odbijena (Prijedlog zakona o izmjenama Zakona o Javnom radiotelevizijskom sistemu BiH, Prijedlog zakona o izmjenama Zakona o Javnom radio-televizijskom servisu BiH i Prijedlog zakona o izmjenama i dopunama Zakona o finansiranju političkih stranaka. Za dva zakona se

obustavlja zakonodavni postupak (Izveštaj komisije Kolegija o nastojanju za postizanje saglasnosti o Mišljenju Ustavno-pravne komisije o Prijedlogu zakona o prestanku

važenja Zakona o Tužilaštvu Bosne i Hercegovine i Prijedlogu zakona o izmjenama i dopunama Zakona o državljanstvu Bosne i Hercegovine).

POKRENUT POSTUPAK ZA SMJENU MINISTARA I ZAMJENIKA MINISTRA

Predsjedavajući Vijeća ministara BiH Vjekoslav Bevanda, 25. juna 2012., donio je Odluku o smjeni ministra sigurnosti Bosne i Hercegovine, ministra odbrane Bosne i Hercegovine i zamjenika ministra finansija i trezora Bosne i Hercegovine, te je dostavio Parlamentarnoj skupštini BiH radi donošenja odluke o potvrdi smjene.

Predsjedavajući Vijeća ministara BiH Odluku je donio u skladu s članom 15. Zakona o Vijeću ministara Bosne i Hercegovine.

Odluka o smjeni ministara i zamjenika ministra iz SDA dio je dogovora nove parlamentarne većine i pokrenuta je na inicijativu SDP-a, od 31. maja, kojom je predsjednik SDP-a BiH Zlatko Lagumdžija zatražio smjenu dva državna ministra i jednog zamjenika.


PREGLED ODRŽANIH SJEDNICA PREDSTAVNIČKOG DOMA U PERIODU OD 1.5. DO 30.6.2012.

REDNI BROJ SJEDNICE	DATUM ODRŽAVANJA	PRISUSTVO NA SJEDNICAMA
27.	10.5.2012.	41 poslanik (97,61%)
28.	24.5.2012.	41 poslanik (97,61%)
29.	7.6.2012.	37 poslanika (88,09%)
30.	21.6.2012.	39 poslanika (92,85%)

PRIJEDLOZI ZAKONA USVOJENI NA SJEDNICAMA PREDSTAVNIČKOG DOMA PSBiH U MAJU I JUNU 2012.

27. sjednica Predstavničkog doma Parlamentarne skupštine BiH
Prijedlog zakona o izmjeni Zakona o Državnoj agenciji za istrage i zaštitu
28. sjednica Predstavničkog doma Parlamentarne skupštine BiH
Prijedlog zakona o dopunama Zakona o plaćama i naknadama u institucijama Bosne i Hercegovine (hitni postupak)
Prijedlog zakona o izmjenama i dopuni Zakona o službi u Oružanim snagama Bosne i Hercegovine (hitni postupak)
Prijedlog zakona o Budžetu institucija Bosne i Hercegovine i međunarodnih obaveza Bosne i Hercegovine za 2012.
Izveštaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o reviziji institucija BiH
Izveštaj Zajedničke komisije oba doma Parlamentarne skupštine BiH o postizanju saglasnosti o identičnom tekstu Zakona o izmjenama i dopunama Zakona o finansiranju institucija BiH
29. sjednica Predstavničkog doma Parlamentarne skupštine BiH
Prijedlog zakona o izmjenama i dopuni Zakona o plaćama i naknadama u institucijama BiH
30. sjednica Predstavničkog doma Parlamentarne skupštine BiH
Prijedlog zakona o carinskoj tarifi

NA SJEDNICAMA PREDSTAVNIČKOG DOMA PSBiH U MAJU I JUNU 2012. RAZMATRANO JE 13 ZAKONA





ZAKONODAVNA AKTIVNOST DOMA NARODA PSBiH U MAJU I JUNU 2012.

Dom naroda PSBiH zasjedao je ukupno četiri dana. Održane su četiri sjednice i raspravljano je o 51 tački dnevnog reda. Najmanje tačka imala je 17. sjednica - 3, a najviše 15. sjednica - 32. Najduže je trajala 15. sjednica - 2 sata i 45 minuta, dok je najkraće trajala 17. sjednica - 1 sat i 50 minuta.

Na sjednicama Doma naroda PSBiH u maju i junu razmatrano je 12 zakona. Usvojeno je sedam prijedloga zakona (od toga dva po hitnom postupku). U prvom čitanju usvojena su dva prijedloga zakona (Prijedlog zakona o carinskoj tarifi i Prijedlog zakona o izmjenama i dopunama Zakona o sukobu interesa u institucijama vlasti BiH). Dva pri-

jedloga zakona upućena su na naknadno usaglašavanje (Prijedlog zakona o dopunama Zakona o finansiranju institucija BiH i Prijedlog zakona o izmjenama i dopunama Zakona o reviziji institucija BiH). Odgođeno je izjašnjenje o jednom prijedlogu zakona (Prijedlog zakona o izmjenama i dopunama Zakona o finansiranju političkih stranaka).


PREGLED ODRŽANIH SJEDNICA DOMA NARODA U PERIODU OD 15. DO 30.6.2012.

REDNI BROJ SJEDNICE	DATUM ODRŽAVANJA	PRISUSTVO NA SJEDNICAMA
15.	15.5.2012.	15 delegata (100%)
16.	29.5.2012.	14 delegata (93,33%)
17.	31.5.2012.	13 delegata (86,66%)
18. I. dio sjednice	22.6.2012.	14 delegata (93,33%)

PRIJEDLOZI ZAKONA USVOJENI NA SJEDNICAMA DOMA NARODA PSBiH U MAJU I JUNU 2012.

15. sjednica Doma naroda Parlamentarne skupštine BiH
Prijedlog zakona o izmjeni Zakona o Državnoj agenciji za istrage i zaštitu
Prijedlog zakona o izmjeni Zakona o državnoj službi u institucijama BiH
Izveštaj Zajedničke komisije oba doma Parlamentarne skupštine BiH o postizanju saglasnosti o istovjetnom tekstu Zakona o izmjenama i dopunama Zakona o finansiranju institucija Bosne i Hercegovine
16. sjednica Doma naroda Parlamentarne skupštine BiH
Prijedlog zakona o dopunama Zakona o plaćama i naknadama u institucijama Bosne i Hercegovine (hitni postupak)
Prijedlog zakona o izmjenama i dopuni Zakona o službi u Oružanim snagama Bosne i Hercegovine (hitni postupak)
17. sjednica Doma naroda Parlamentarne skupštine BiH
Prijedlog zakona o Budžetu institucija BiH i međunarodnih obaveza BiH za 2012. godinu
18. sjednica Doma naroda Parlamentarne skupštine BiH
Prijedlog zakona o izmjenama i dopuni Zakona o plaćama i naknadama u institucijama BiH


NA SJEDNICAMA DOMA NARODA PSBiH U MAJU I JUNU 2012. RAZMATRANO JE 12 ZAKONA



- Usvojeno je sedam prijedloga zakona
- U prvom čitanju usvojena su dva prijedloga zakona
- Dva prijedloga zakona upućena su na naknadno usaglašavanje
- Kod jednog prijedloga zakona odgođeno je izjašnjenje

BROJ POSLANIČKIH PITANJA POSTAVLJENIH U PERIODU OD 1.5. DO 30.6.2012.

Naziv stranke/ koalicije	Broj postavljenih pitanja
DNS	7
DNZBiH	5
HDZBiH	5
Hrvatska koalicija HDZ 1990-HSP BiH	1
NS Radom za boljitak	3
PDP	-
SBBBiH	2
SBiH	10
SDA	22
SDP	21
SDS	4
SNSD	22



Napomena: U tabelu su uvrštena i poslanička pitanja postavljena na prvoj posebnoj zajedničkoj sjednici PSBiH o temi: „Poslanici/delegati pitaju - Vijeće ministara BiH odgovara“, održanoj 14.5.2012.

BROJ DELEGATSKIH PITANJA POSTAVLJENIH U PERIODU OD 1.5. DO 30.6.2012.

Naziv kluba	Broj postavljenih pitanja
Klub bošnjačkog naroda	12
Klub hrvatskog naroda	5
Klub srpskog naroda	4


Napomena: U tabelu su uvrštena i delegatska pitanja postavljena na prvoj posebnoj zajedničkoj sjednici PSBiH o temi: „Poslanici/delegati pitaju - Vijeće ministara BiH odgovara“, održanoj 14.5.2012.


**ODRŽANA PRVA POSEBNA
ZAJEDNIČKA SJEDNICA
OBA DOMA PSBiH**


Prva posebna zajednička sjednica oba doma PSBiH o temi: „Poslanici/delegati pitaju - Vijeće ministara BiH odgovara“ održana je 14.5.2012. Ukupno je postavljeno 26 pitanja. Od toga, delegati su postavili osam, dok su poslanici Vijeću ministara BiH uputili 18 pitanja.




BROJ ODRŽANIH SJEDNICA KOMISIJA PREDSTAVNIČKOG DOMA U PERIODU OD 1.5. DO 30.6.2012.



BROJ ODRŽANIH SJEDNICA KOMISIJA DOMA NARODA U PERIODU OD 1.5. DO 30.6.2012.



BROJ ODRŽANIH SJEDNICA ZAJEDNIČKIH KOMISIJA U PERIODU OD 1.5. DO 30.6.2012.



Ustavnopravna komisija Doma naroda

USTAVNOPРАВНА КОМИСИЈА УСВОЈИЛА ЗАКЉУЧАК КОЈИМ SE PREDLAŽE DOMU NARODA DA POZOVE VIJEĆE MINISTARA BiH DA U ŠTO KRAĆEM VREMENU POKRENE PROCEDURE ZA IZMJENU USTAVA BiH

Na 13. sjednici Ustavnopravne komisije Doma naroda, održanoj 3.5.2012., utvrđena je usklađenost sa Ustavom i pravnim sistemom BiH Prijedloga zakona o carinskoj tarifi i Prijedloga zakona o izmjeni Zakona o državnoj službi u institucijama Bosne i Hercegovine za koji su podržani i principi predloženog zakona, a čiji je predlagač Vijeće ministara BiH.

Komisija je na ovoj sjednici usvojila Izvještaj o funkcioniranju sistema kolektivnog ostvarivanja autorskog i srodnih prava u Bosni i Hercegovini, za period od 2005. do 2010. godine, čiji je podnosilac Vijeće ministara BiH. Također je usvojen zaključak kojim se pozivaju autori i nosioci autorskog i srodnih prava da intenziviraju aktivnosti radi ispunjavanja uslova za izdavanje dozvola za kolektivno ostvarivanje njihovih prava. Kako bi se utvrdilo istinito i potpuno finansijsko poslovanje postojećih kolektivnih organizacija, neophodno je angažirati relevantne institucije BiH, te svake godine kroz izvještaje provjeravati šta je urađeno u sistemu kolektivnog ostvarivanja autorskog i srodnih prava u BiH.

Na istoj sjednici Komisija je prihvatila i prosljedila Domu naroda na raspravu i daljnje postupanje Informaciju o radu

Tužilaštva BiH za 2011. godinu.

Komisija je dala saglasnost za obavljanje prakse mladim pravnicima u Ustavnopravnoj komisiji i Privremenoj zajedničkoj komisiji oba doma PSBiH za provođenje presude Suda za ljudska prava u Strasbourg u predmetu Sejdić i Finci protiv Bosne i Hercegovine, koje stipendira Fondacija "Konrad Adenauer".

Na 14. sjednici, održanoj 15. maja, Ustavnopravna komisija Doma naroda je, odgovarajući na zahtjev Ustavnog suda BiH, jednoglasno podržala Zahtjev za ocjenu ustavnosti člana 7. Zakona o izmjenama i dopunama Zakona o državnoj službi u institucijama BiH, čiji je podnosilac predsjedavajući Predstavničkog doma PSBiH Milorad Živković.

Na osnovu dopisa Misije OSCE-a u Bosni i Hercegovini i Fondacije „Konrad Adenauer“, Komisija je podržala održavanje Regionalne konferencije ustavnopravnih komisija.

Na 15. sjednici Ustavnopravne komisije Doma naroda, održanoj 29.5.2012., utvrđena je usklađenost sa Ustavom i pravnim sistemom BiH: Prijedloga zakona o Budžetu institucija BiH i međunarodnih obaveza BiH za 2012. godinu, Prijedloga zakona o izmjenama i dopuni Zakona o plaćama i naknadama u institucijama

BiH i Prijedloga zakona o izmjenama i dopunama Zakona o državljanstvu BiH.

Na 16. sjednici, održanoj 15. juna, Ustavnopravna komisija usvojila je zaključak kojim se predlaže Domu naroda PSBiH da pozove Vijeće ministara BiH da u što kraćem vremenu pokrene procedure za izmjenu Ustava BiH, odnosno da uputi novi Prijedlog amandmana II. na Ustav BiH.

Komisija je dala pozitivno mišljenje o usaglašenosti sa Ustavom i pravnim sistemom BiH za: Prijedlog zakona o izmjenama i dopunama Zakona o sukobu interesa u institucijama vlasti BiH, Prijedlog zakona o izmjenama i dopunama Zakona o finansiranju političkih stranaka i Prijedlog zakona o izmjenama i dopunama Zakona o reviziji institucija BiH.

Na istoj sjednici Komisija je usvojila: Izvještaj o provođenju zakona u nadležnosti Centralne izborne komisije BiH za 2011. godinu s preporukama, Izvještaj o zaštiti ličnih podataka u BiH za 2011. godinu sa zaključcima i Izvještaj o primjeni Jedinistvenih pravila za izradu pravnih propisa u institucijama BiH. Izvještaj o radu Komisije za očuvanje nacionalnih spomenika u 2011. godini primljen je k znanju.

Komisija za saobraćaj i komunikacije Predstavničkog doma

KOMISIJA ZA SAOBRAĆAJ I KOMUNIKACIJE RAZMATRALA I DALA NEGATIVNO MIŠLJENJE NA PRIJEDLOGE ZAKONA O IZMJENAMA ZAKONA O JAVNOM RADIOTELEVIZIJSKOM SISTEMU BiH I IZMJENAMA ZAKONA O JAVNOM RADIOTELEVIZIJSKOM SERVISU BiH

Na 14. sjednici Komisije za saobraćaj i komunikacije Predstavničkog doma, održanoj 22.maja, razmatran je Izvještaj o radu i poslovanju Radio-televizije BiH za 2011. godinu. Komisija će se o Izvještaju izjasniti nakon što dobije izvještaj nezavisnog revizora o radu i poslovanju BHRT-a za 2011. godinu, te informacije u vezi s planom sanacije i finansijske konsolidacije, dinamike naplate RTV takse, kao i informaciju o broju i strukturi zaposlenih.

Na istoj sjednici primljen je k znanju Izvještaj Ministarstva komunikacija i prometa BiH o aktivnostima i planu narednih aktivnosti na Projektu „Autoput na Koridoru 5c“, kao i Informacija o primjedbama u vezi s realizacijom projekta homologacije vozila.

Prijedlog zakona o izmjenama Zakona o Javnom ra-

diotelevizijskom sistemu BiH, broj: 01-02-1-14/12, i Prijedlog zakona o izmjeni Zakona o Javnom radiotelevizijskom servisu BiH, broj: 01-02-1-15/12, nisu razmatrani zbog neprisustva ovlaštenih predlagača.

Na 15. sjednici, održanoj 5. juna, Komisija za saobraćaj i komunikacije razmatrala je i dala negativno mišljenje na prijedloge zakona o izmjenama Zakona o Javnom radiotelevizijskom sistemu BiH i izmjenama Zakona o Javnom radiotelevizijskom servisu BiH, čiji su predlagači poslanici: Mladen Bosić, Darko Babalj, Borislav Bojić, Aleksandra Pandurević i Vesna Krstović-Spremo.

Komisija je usvojila zaključak kojim se produžava mandat članovima Upravnog odbora BHRT-a za 90 dana, uz poziv Vijeću ministara BiH da se što prije predlože zakonske izmjene kojima će se regulirati ova oblast.



Ustavnopravna komisija Predstavničkog doma

USTAVNOPRAVNA KOMISIJA PODRŽALA JE ZAHTJEV USTAVNOG SUDA BiH ZA OCJENU USTAVNOSTI ZAKONA O PARNIČNOM POSTUPKU PRED SUDOM BiH

Na 21. sjednici Ustavnopravne komisije Predstavničkog doma, održanoj 8. maja, utvrđena je usklađenost sa Ustavom i pravnim sistemom BiH Prijedloga zakona o Budžetu institucija i međunarodnih obaveza BiH za 2012. godinu.

Komisija je usvojila Informaciju Ministarstva pravde BiH u vezi sa izdatim odobrenjima za upotrebu naziva Bosne i Hercegovine i Informaciju o stanju i problemima u funkcioniranju Agencije za prevenciju korupcije i koordinaciju borbe protiv korupcije, s prijedlozima koji se odnose na poboljšanje stanja u ovoj oblasti.

Primljena je k znanju Informacija o radu Tužilaštva BiH za 2011. godinu, te materijali dostavljeni od pravosudnih institucija Bosne i Hercegovine u vezi s realizacijom poslaničke inicijative Aleksandre Pandurević koja glasi: „Analiza provođenja Državne strategije za rad na predmetima ratnih zločina“.

Na istoj sjednici Komisija nije podržala Zahtjev za ocjenu ustavnosti člana 7. tačka e) Zakona o izmjenama i dopunama Zakona o državnoj službi u institucijama Bosne i Hercegovine, čiji je podnosilac predsjedavajući Predstavničkog doma PSBiH Milorad Živković.

Usvojen je Izvještaj o stručnom savjetovanju o temi: „Jedinstvena pravila za izradu pravnih propisa u institucijama BiH“.

Na 22. sjednici, održanoj 22. maja, Ustavnopravna komisija Predstavničkog doma razmatrala je Prijedlog zakona o izmjenama Zakona o Javnom radiotelevizijskom sistemu Bosne i Hercegovine, broj: 01-02-1-14/12, i Prijedlog zakona o izmjenama Zakona o Javnom radiotelevizijskom servisu Bosne i Hercegovine, broj: 01-02-1-15/12, čiji su predlagači poslanici: Mladen Bosić, Darko Babalj, Borislav Bojić, Aleksandra Pandurević i Vesna Krstović-Spremo, te utvrdila da su prijedlozi zakona usklađeni sa Ustavom i pravnim sistemom Bosne i Hercegovine BiH.

Također, utvrđena je usklađenost sa Ustavom i pravnim sistemom Bosne i Hercegovine Prijedloga zakona o izmjenama i dopuni Zakona o plaćama

i naknadama u institucijama BiH i Prijedloga zakona o izmjenama i dopunama Zakona o državljanstvu BiH čiji je predlagač Vijeće ministara BiH.

Zbog neprisustva ovlaštenih podnosilaca nisu razmatrani Izvještaj o provođenju zakona iz nadležnosti Centralne izborne komisije BiH za 2011. godinu, čiji je podnosilac Centralna izborna komisija BiH, kao ni Izvještaj o primjeni Jedinstvenih pravila za izradu pravnih propisa u institucijama Bosne i Hercegovine, čiji je podnosilac Ministarstvo pravde BiH.

Ustavnopravna komisija Predstavničkog doma PSBiH, na 23. sjednici, održanoj 5. juna, nije utvrdila usklađenost s pravnim sistemom Bosne i Hercegovine Prijedloga zakona o izmjenama i dopunama Zakona o finansiranju političkih stranaka, čiji su predlagači poslanici Nermina Zaimović-Uzunović i Niko Lozančić, zbog neusklađenosti s Jedinstvenim pravilima za izradu pravnih propisa u institucijama BiH.

Komisija je usvojila sljedeće izvještaje i predložila Predstavničkom domu njihovo usvajanje:

- Izvještaj o provođenju zakona u nadležnosti Centralne izborne komisije BiH za 2011., podnosilac: Centralna izborna komisija BiH,

- Izvještaj o zaštiti ličnih podataka u Bosni i Hercegovini za 2011., podnosilac: Agencija za zaštitu ličnih podataka u Bosni i Hercegovini i

- Izvještaj o primjeni Jedinstvenih pravila za izradu pravnih propisa u institucijama BiH, podnosilac: Ministarstvo pravde BiH.

Komisija je, također, primila k znanju Izvještaj o radu Komisije za očuvanje nacionalnih spomenika BiH u 2011. godini i uputila ga Predstavničkom domu na daljnju raspravu i odlučivanje.

Na istoj sjednici Ustavnopravna komisija je podržala Zahtjev Ustavnog suda BiH za ocjenu ustavnosti Zakona o parničnom postupku pred Sudom BiH, uz zaključak da Komisija ostaje na pozicijama Zakona koji je usvojila Parlamentarna skupština BiH. Zahtjev za ocjenu ustavnosti Zakona o plaćama i drugim

naknadama u sudskim i tužilačkim institucijama na nivou BiH Komisija nije podržala.

Poslanička inicijativa Nermine Čemalović u vezi s formiranjem ad hoc komisije, koja bi zajedno s predstavnicima Ministarstva civilnih poslova BiH i ministarstva zdravstva oba entiteta i Brčko Distrikta BiH sagledala mogućnosti pripreme prijedloga zakona o transplantaciji i osnivanju donorske mreže u BiH, podnesena je u skladu s Poslovníkom i proslijeđena Predstavničkom domu na daljnju raspravu i odlučivanje.

Izjašnjavanje o Zahtjevu za autentično tumačenje člana 17. Zakona o Agenciji za prevenciju korupcije i borbu protiv korupcije odgođeno je, uz zaključke da ovo pitanje treba riješiti kroz izmjene i dopune Zakona, s tim da se do naredne sjednice Komisije pripremi informacija šta je potrebno preduzeti za rješavanje ovog problema.

Na 24. sjednici, održanoj 19. juna, Ustavnopravna komisija Predstavničkog doma nije razmatrala Prijedlog prečišćenog teksta Krivičnog zakona BiH i Prijedlog prečišćenog teksta Zakona o krivičnom postupku BiH, čiji je predlagač Ministarstvo pravde BiH. Ovi prijedlozi zakona bit će razmatrani nakon konsultacija sa Ustavnopravnom komisijom Doma naroda.

Komisija je razmatrala Zahtjev Ustavnog suda BiH za dodatnim izjašnjenjem o Zahtjevu za ocjenu ustavnosti člana 7. stav (e), Zakona o izmjenama i dopunama Zakona o državnoj službi u institucijama Bosne i Hercegovine, čiji je podnosilac predsjedavajući Predstavničkog doma PSBiH Milorad Živković. Zaključeno je da se u dodatnom izjašnjenju navede kako nije podržan zahtjev apelanta, pri čemu članovi Komisije koji su glasali protiv smatraju da osporavana odredba nije protivna Ustavu BiH i da ostaju na pozicijama zakona, dok članovi Komisije koji podržavaju zahtjev za ocjenu ustavnosti smatraju da je došlo do povrede Ustava BiH, kako je obrazloženo u apelaciji.

Zajednička komisija za administrativne poslove

NIJE PODRŽANO UVRŠTAVANJE NA DNEVNI RED SJEDNICE PREDSTAVNIČKOG DOMA TAČKE POD NAZIVOM „RAZMATRANJE SMANJENJA PLAĆA I UKIDANJA DRUGIH NAKNADA POSLANICIMA U PARLAMENTARNOJ SKUPŠTINI BiH“

Na 9. sjednici Zajedničke komisije za administrativne poslove, održanoj 14. maja, verificirana su rješenja i odluke koje je donio predsjedavajući Zajedničke komisije u skladu s važećim aktima i propisima, a tiču se statusnih pitanja poslanika i delegata u PSBiH.

Na 10. sjednici Zajedničke komisije za administrativne poslove, održanoj 20. juna, primljena je k znanju Informacija o zaključcima Predstavničkog doma s 27. sjednice, održane 10.5.2012., koja se odnosi na aktivnosti u vezi s pripremom

Prijedloga zakona o izmjenama i dopunama Zakona o plaćama i naknadama u institucijama BiH, te usklađivanje plaća i naknada sa Zakonom kako poslanika i delegata tako i institucija koje nisu u sistemu Zakona o plaćama i naknadama u institucijama BiH.

Komisija nije podržala inicijativu poslanika Šemsudina Mehmedovića da se u dnevni red sjednice Predstavničkog doma uvrsti tačka pod nazivom: „Razmatranje smanjenja plaća i ukidanja drugih naknada poslanicima u Parlamentarnoj skupštini

BiH“.

Formirana je radna grupa koja će do naredne sjednice Zajedničke komisije pripremiti prijedloge rješenja u vezi s Informacijom o dopunama Zakona o plaćama i naknadama u institucijama BiH i Internom metodologijom.

Komisija je verificirala rješenja i odluke koje su donijeli Kolegij ili predsjedavajući Zajedničke komisije u skladu s važećim aktima i propisima, a tiču se statusnih pitanja poslanika i delegata u Parlamentarnoj skupštini BiH.

Zajednička komisija za odbranu i sigurnost

ODRŽANA KONFERENCIJA “INFORMIRANJE JAVNOSTI U VEZI S NATO INTEGRACIJAMA”

U organizaciji Zajedničke komisije za odbranu i sigurnost BiH, 16. maja je održana jednodnevna konferencija pod nazivom: “Informiranje javnosti u vezi s NATO integracijama”, na kojoj su učestvovala nadležne parlamentarne komisije zemalja članica Američko-jadranske povelje (A-5) kojom naša zemlja predsjedava do juna 2012. godine.

Konferenciju je otvorila predsjedavajuća Zajedničke komisije za odbranu i sigurnost BiH Dušanka Majkić, nakon čega se učesnicima obratio i komandant Štaba NATO-a u BiH brigadni general Gary E.

Huffman.

U okviru prvog panela „Diskusija o napretku koji su napravile članice A-5 na putu ka euroatlantskim integracijama” govorili su predstavnici Albanije (Osman Metalla), BiH (Šefik Džaferović), Hrvatske (Sandra Petrović), Crne Gore (Mevludin Nuhodžić), Srbije (Konstantin Samofalov), kao i zamjenik komandanta Štaba NATO-a u BiH brigadir John Andreas Olsen.

Drugi panel “Uloga parlamenta u informiranju javnosti u vezi s NATO integracijama” protekao je uz diskusije predstavnika Albanije (Gazmir Bizgha), BiH (Dušanka

Majkić), Hrvatske (Sandra Petrović), Crne Gore (Obard Mišo Stanišić) i Srbije (Meho Obradović).

Osim Bosne i Hercegovine, potpisnice Američko-jadranske povelje su: Albanija, Crna Gora, Hrvatska, Makedonija i SAD, dok je na konferenciji Srbija imala status gosta - posmatrača.

Na konferenciji su učestvovali i predstavnici Misije OSCE-a u BiH, Ambasade SAD-a u BiH, nadležnih komisija, odnosno odbora Parlamenta Federacije BiH i Narodne skupštine Republike Srpske, NATO koordinacionog tima Vijeća ministara BiH.

U ORGANIZACIJI ZAJEDNIČKE KOMISIJE ZA ODBRANU I SIGURNOST BiH ODRŽANA RADIONICA O TEMI „IZGRADNJA INTEGRITETA: ANALIZA TROŠKOVA I DOBITI“

U organizaciji Zajedničke komisije za odbranu i sigurnost BiH, u saradnji s Centrom za obuku za operacije podrške miru (PSOTC) i Centrom za obuku mornaričkih postdiplomskih studija SAD-a, u kampu Butmir održana je trodnevna radionica (od 20. do 23. juna) o temi „Izgradnja integriteta: Analiza troškova i dobiti”, na kojoj se razgovaralo o procesu nabavki u sektoru odbrane.

U radu su učestvovali član Zajedničke komisije za odbranu i sigurnost BiH Mehmed Bradarić, predstavnici parlamentarnih komisija za finansije i budžet, predstavnici Ministarstva odbrane BiH i Zajedničkog štaba OSBiH, Ministarstva finansija i trezora BiH, Ureda za reviziju institucija BiH, Ureda parlamentarnog vojnog povjerenika, Agencije za javne nabavke BiH, kao i drugih institucija i ustanova koje se bave ovom problematikom.

Zajednička komisija za ljudska prava, prava djeteta, mlade, imigraciju, izbjeglice, azil i etiku
ODRŽAN OKRUGLI STO O TEMI: “KAKO DOĆI DO RJEŠENJA PROBLEMA DRŽAVLJANA BiH KOJI SU BILI ZAPOSLENI I NASTANJENI U REPUBLICI HRVATSKOJ, A U PERIODU OD 1991. DO 1995. GODINE SU OTPUŠTANI S POSLA?”

U organizaciji Zajedničke komisije za ljudska prava, prava djeteta, mlade, imigraciju, izbjeglice, azil i etiku Parlamentarne skupštine Bosne i Hercegovine, 14. maja je održan okrugli sto o temi “Kako doći do rješenja problema državljana Bosne i Hercegovine koji su bili zaposleni i nastanjeni u Republici Hrvatskoj, a u periodu od 1991. do 1995. godine su otpušteni s posla?”.

Uz članove Zajedničke komisije za ljudska prava, prava djeteta, mlade, imigraciju, izbjeglice, azil i etiku, skupu su prisustvovali i predstavnici Ministarstva vanjskih poslova BiH, Ministarstva za ljudska prava i izbjeglice BiH, Ministarstva civilnih poslova BiH, Republičkog udruženja radnika i invalida rada izbjeglih iz Republike Hrvatske državljana BiH i Udruženja otpuštenih radnika iz Republike Hrvatske „Ugor” iz Tešnja. Istaknuto je da se, imajući u vidu značaj ove teme i decenijske probleme državljana Bosne i Hercegovine koji su ostali bez svojih radnih prava u Republici Hrvatskoj, ova pitanja mogu riješiti jedino aktivnostima na nivou država, Republike Hrvatske i Bosne i Hercegovine. U toku rasprave predloženi su zaključci čija bi realizacija trebala ubrzati rješavanje navedenih problema.

ČLANOVI ZAJEDNIČKE KOMISIJE ZA LJUDSKA PRAVA, PRAVA DIJETETA, MLADE, IMIGRACIJU, IZBJEGLICE, AZIL I ETIKU PSBiH RAZGOVARALI S PREDSTAVNICIMA GRUPE EKSPERATA U BORBI PROTIV TRGOVINE LJUDIMA (GRETA)

Članovi Zajedničke komisije za ljudska prava, prava djeteta, mlade, imigraciju, izbjeglice, azil i etiku PSBiH Halid Genjac i Mladen Ivanković Lijanović razgovarali su 18. maja s predstavnicima Grupe eksperata u borbi protiv trgovine ljudima (GRETA) Davidom Dolidzeom i Geraldom Dunnom o praćenju provođenja Konvencije Vijeća Evrope o akciji protiv trgovine ljudima. Tokom razgovora gosti su posebno intere-

sovanje izrazili za mogućnosti osnivanja fonda na nivou Bosne i Hercegovine iz kojeg bi se isplaćivale naknade licima koja su bila žrtve trgovine ljudima, kao i o provođenju istraživanja o stepenu prosjačenja u BiH.

Prema riječima Halida Genjca i Mladena Ivankovića Lijanovića, pitanje uspostave fonda na nivou države može se urediti izmjenama Krivičnog zakona Bosne i Her-

cegovine, dok se istraživanje može uraditi putem radnih tijela Parlamentarne skupštine BiH, kao i nadležnih tijela Vijeća ministara BiH.

Sagovornici su razmijenili mišljenja i o aktuelnom stanju u borbi protiv trgovine ljudima u BiH, zakonskim regulativama kojima je uređena ova oblast, kao i pitanjima rodne jednakosti u pojavama kršenja ovakvog vida ljudskih prava.

Zajednička komisija za nadzor nad radom Obavještajno-sigurnosne agencije Bosne i Hercegovine

ODRŽANA RADIONICA „UČEŠĆE CIVILNOG DRUŠTVA U DEMOKRATSKOM NADZORU NAD OBAVJEŠTAJNO-SIGURNOSNIM SEKTOROM U BiH“

U organizaciji Zajedničke komisije za nadzor nad radom Obavještajno-sigurnosne agencije Bosne i Hercegovine u Parlamentarnoj skupštini BiH 16. maja je održana radionica pod nazivom: „Učešće civilnog društva u demokratskom nadzoru nad obavještajno-sigurnosnim sektorom u BiH“.

Kako je naglašeno, u ovoj oblasti veliku važnost ima Sigurnosni sporazum između Bosne i Hercegovine i NATO-a, te treba

težiti što skorijem ispunjavanju ostalih uslova koji iz njega proizlaze.

Posebno je istaknuto da izvršna vlast treba ispuniti obaveze u vezi s certifikacijom registara i podregistara za razmjenu povjerljivih podataka s EU i NATO-om.

Tokom izlaganja napomenuta je i uloga portparola u Obavještajno-sigurnosnoj agenciji Bosne i Hercegovine, te da posredstvom nadležnih tijela treba učiniti

sve kako bi ova agencija u što skorije vrijeme i imala portparola, s ciljem blagovremenog i transparentnog informiranja javnosti o njenim aktivnostima.

Na kraju, učesnici su se saglasili o tome da je najveći problem u našem društvu kriminal i opća korupcija, te da svi zajedno trebaju preduzeti adekvatne mjere kako bi se ti problemi rješavali na najbolji mogući način.

Komisija za ostvarivanje ravnopravnosti spolova Predstavničkog doma

ODRŽANA TEMATSKA SJEDNICA: „POLOŽAJ ROMKINJA U ZAKONIMA, POLITIKAMA I PRAKSI, PREZENTACIJA IZVJEŠTAJA NVO 'PRAVA ZA SVE' I 'ICVA' O NASILJU NAD ROMKINJAMA U PORODICI“

Komisija za ostvarivanje ravnopravnosti spolova Predstavničkog doma Parlamentarne skupštine Bosne i Hercegovine, uz podršku Misije OSCE-a u BiH, organizirala je 6. juna tematsku sjednicu pod nazivom: „Položaj Romkinja u zakonima, politikama i praksi, prezentacija izvještaja NVO 'Prava za sve' i 'ICVA' o nasilju nad Romkinjama u porodici“.



Učesnici su iznijeli niz preporuka kako bi se stanje o ovoj oblasti moglo poboljšati, s posebnim naglaskom na poštivanje propisa u institucijama koje ih provode, kao i na uključivanje predstavnica ove nacionalne manjine u procese izrade strategija i nacionalnih akcionih planova s ciljem poboljšanja njihovog položaja u bh. društvu.

Zaključeno je da je problem otklanjanja posljedica diskriminacije prema pripadnicima ove populacije dugotrajan proces i zato je potrebna koordinirana aktivnost institucija na svim nivoima vlasti, nevladinih organizacija, kao i pomoć međunarodnih organizacija.

Odlučeno je da će Komisija za ravnopravnost spolova na sljedećoj sjednici razmatrati izvještaj sa konferencije, te usvojiti određene preporuke kojima će se od odgovornih zahtijevati provođenje aktivnosti s ciljem poboljšanja položaja Romkinja u našem društvu.

Osim članova Komisije, učesnici su bili i predstavnici entitetskih komisija za ravnopravnost spolova i ljudska prava, gender institucionalnih mehanizama, Ministarstva za ljudska prava i izbjeglice BiH, predstavnici Vijeća nacionalnih manjina u BiH, Parlamenta Federacije BiH, Narodne skupštine Republike Srpske, kao i predstavnici međunarodnih organizacija OSCE-a, UN Women i UNDP-a.

IZASLANICA U DOMU NARODA PSBiH BORJANA KRIŠTO, U POVODU OBILJEŽAVANJA DANA EUROPE, DOBILA PRIZNANJE EUROPSKOG POKRETA U BiH - „EUROPSKA PARLAMENTARKA BOSNE I HERCEGOVINE“



Izaslanica u Domu naroda Parlamentarne skupštine BiH Borjana Krišto je, na temelju jednoglasno donesene odluke Europskog pokreta u BiH, na svečanoj akademiji održanoj 8. svibnja u Vitezu, dobila priznanje „Europska parlamentarka Bosne i Hercegovine - konstruktivan angažman u procesu europskih integracija“.

Svečanu akademiju u povodu obilježavanja Dana Europe u BiH 2012., koja je održana pod nazivom „Vrijeme je za Europu“, organizirali su Europski pokret u BiH i Općina Vitez.

U obrazloženju za dodjelu priznanja ističe se da je Borjana Krišto, kao izaslanica u Domu naroda Parlamentarne skupštine BiH i unutar svoje političke stranke, profesionalnim i političkim djelovanjem postigla zavidnu, europsku razinu funkcionalnosti, te kao takva može biti pozitivnim primjerom ostalim sudionicima političkog života u Bosni i Hercegovini. Ona je prepoznata „kao osoba i političarka koja dijeli viziju demokratskog, naprednog, europskog i civiliziranog društva“, navodi se u ovome obrazloženju.

ZAMJENIK PREDSJEDATELJA ZASTUPNIČKOG DOMA DENIS BEĆIROVIĆ PRIMIO IZASLANSTVO ARHIVISTIČKOG UDRUŽENJA BOSNE I HERCEGOVINE

Zamjenik predsjedatelja Zastupničkog doma Parlamentarne skupštine BiH Denis Bećirović susreo se 9. svibnja s izaslanstvom Arhivističkog udruženja Bosne i Hercegovine.

„Bosna i Hercegovina treba pružiti potporu institucijama koje se bave arhivskom građom, jer je ova materija od iznimnoga značaja za cijelu državu. Stoga vjerujem da će ovaj sastanak, ali i svi slijedeći kontakti pridonijeti postupnom pronalaženju sustavnih rješenja

za ove institucije“, istaknuo je tom prigodom Denis Bećirović, zamjenik predsjedatelja Zastupničkog doma Parlamentarne skupštine BiH.

Na sastanku kojemu su bili nazočni Sejdalija Gušić, predsjednik Arhivističkog udruženja BiH, Šaban Zahirović i Dušan Vržina, ravnatelj i zamjenik ravnatelja Arhiva BiH, te Spomenka Pejić, ravnateljica Arhiva SBK u Travniku, predstavljen je rad ovih institucija i istaknuta potreba za zapošljavanjem novoga kadra. Naglašeno

je da nijedan arhiv u Bosni i Hercegovini nema dovoljan broj zaposlenika, jer je popunjeno tek oko 50% mjesta, tako da nedostatak kadra, s obzirom na količinu arhivske građe, izaziva ozbiljne prepreke u radu.

Izaslanstvo Arhivističkog udruženja BiH upoznalo je zamjenika predsjedatelja Bećirovića s problemima s kojima se susreću u svome radu, a koji se prije svega odnose na pitanja smještaja arhivskih institucija.



PREDSJEDATELJICA I ZAMJENIK PREDSJEDATELJICE ZAJEDNIČKOG POVJERENSTVA ZA OBRANU I SIGURNOST BiH, DUŠANKA MAJKIĆ I ŠEFIK DŽAFEROVIĆ, I PARLAMENTARNI VOJNI POVJERENIK PRIMILI U OPROŠTAJNI POSJET BRIGADNOG GENERALA VICTORA VON WILCKENA

Predsjedateljica Dušanka Majkić i drugi zamjenik predsjedateljice Zajedničkog povjerenstva za obranu i sigurnost BiH Šefik Džaferović primili su 17. svibnja u oproštajni posjet direktora Odjela za sigurnosnu suradnju Misije OEES-a u BiH, brigadnog generala Victora von Wilckena.

Dvogodišnja suradnja Zajedničkog povjerenstva i Odjela za sigurnosnu suradnju Misije OEES-a u BiH ocijenjena je iznimno dobrom, uz izraženo zadovoljstvo time što su u potpunosti realizirani godišnji programi suradnje između Povjerenstva i Odjela.

„Zajedničko povjerenstvo za obranu i sigurnost BiH ponosno je na do sada postignute rezultate po kojima smo postali

prepoznatljivi u regiji, a što bi bilo teško ostvariti bez vaše stvarne i stalne podrške“, istaknula je predsjedateljica Povjerenstva Dušanka Majkić.

Boško Šiljegović, parlamentarni vojni povjerenik Bosne i Hercegovine, 28. svibnja također je primio u oproštajni posjet dosadašnjeg voditelja Odjela za sigurnosnu suradnju Misije OEES-a u BiH, brigadnog generala Victora von Wilckena.

Gospodin Šiljegović zahvalio se Victoru von Wilckenu na svesrdnoj pomoći koju je, dok je bio na čelu Odjela, pružao Uredu parlamentarnog vojnog povjerenika s ciljem jačanja vladavine prava i zaštite ljudskih prava i sloboda vojnih osoba i kadeta u Oružanim snagama i Ministarstvu obrane BiH.

PREDSJEDATELJICA I ZAMJENIK PREDSJEDATELJICE ZAJEDNIČKOG POVJERENSTVA ZA OBRANU I SIGURNOST BiH PRIMILI SU U OPROŠTAJNI POSJET ZAMJENIKA ZAPOVJEDNIKA STOŽERA NATO-A U SARAJEVU

Predsjedateljica Dušanka Majkić i drugi zamjenik predsjedateljice Zajedničkog povjerenstva za obranu i sigurnost BiH Šefik Džaferović su 29. svibnja primili u oproštajni posjet zamjenika zapovjednika Stožera NATO-a u Sarajevu, brigadira Johna Andreasa Olsena, te istovremeno upoznali njegova nasljednika na dužnosti, brigadira Haralda Hiortha.

Čelnici Zajedničkog povjerenstva zahvalili su se brigadiru Olsenu na nesebičnom angažmanu i potpori što ju je davao radu Povjerenstva i cjelokupnom sektoru obrane u BiH.

„Vi ste Bosnu i Hercegovinu upoznali kao rijetko koji strani vojnik. Obišli ste skoro sve općine, razgovarali s građanima, predstavnicima vlasti, poznatim i nepoznatim. Malo je tako upornih i dobronamjernih ljudi prošlo ovom zemljom“, is-

taknula je predsjedateljica Majkić.

Podsjetivši da je konkretnija suradnja Zajedničkog povjerenstva i Stožera NATO-a u Sarajevu počela nakon seminara u Tesliću, održanog u travnju ove godine, ona je rekla da krunu suradnje predstavlja konferencija zemalja Američko-jadranske povelje, koja je održana 16. svibnja u Sarajevu.

Šefik Džaferović posebno je važnim izdvojio kampanju koju je vodio Stožer NATO-a kako bi se građanima BiH objasnilo što je to NATO, koje su prednosti država članica i što one dobivaju ulaskom u ovaj savez.

Brigadir Olsen rekao je kako će i nakon odlaska na novu dužnost biti promotor Bosne i Hercegovine, izrazivši puno povjerenje u budući rad svoga nasljednika, brigadira Haralda Hiortha.



ODRŽANO STRUČNO SAVJETOVANJE USTAVNOPRAVNIH POVJERENSTAVA PSBiH O TEMI: „POSLOVNICI OBAJU DOMOVA PARLAMENTARNE SKUPŠTINE BOSNE I HERCEGOVINE: ŠTO MIJENJATI?“



U organizaciji Ustavnopravnog povjerenstva Zastupničkog doma i Ustavnopravnog povjerenstva Doma naroda Parlamentarne skupštine BiH, uz potporu Misije OESS-a u BiH i USAID-ovog Projekta jačanja parlamenta u BiH, u Parlamentarnoj skupštini BiH je 23. svibnja održano stručno savjetovanje o temi: „Poslovnici obaju domova PSBiH: što mijenjati?“.

Cilj stručnoga savjetovanja bio je razmotriti ranije prijedloge za izmjene i dopune poslovnika domova PSBiH, uočiti

praktične probleme u vezi s njihovim izmjenama i dopunama, te pronaći najbolja rješenja za izmjene i dopune poslovnika. Nazočne su na početku pozdravili predsjedatelji ustavnopravnih povjerenstava obaju domova PSBiH, Šefik Džaferović i Krstan Simić, a predsjedatelj Ustavnopravnog povjerenstva Zastupničkog doma imao je i uvodno izlaganje o osnovnoj temi savjetovanja.

Također su izlagali: predstavnik Ad hoc povjerenstva za pripremu izmjena i dopuna pročišćenog teksta Poslovnika

Zastupničkog doma PSBiH Halid Genjac i predstavnik Ad hoc povjerenstva za pripremu izmjena i dopuna pročišćenog teksta Poslovnika Doma naroda PSBiH Dušanka Majkić.

Nakon vrlo zanimljivih izlaganja na kraju je zaključeno da ustavnopravna povjerenstva Zastupničkog doma i Doma naroda PSBiH trebaju analizirati izvješća s ovoga skupa i predložiti domovima nastavak započete ali još uvijek nezavršene procedure izmjena i dopuna poslovnika obaju domova PSBiH.

ODRŽANA SJEDNICA ISTRAŽNOG POVJERENSTVA ZA UTVRĐIVANJE TROŠENJA DONATORSKIH SREDSTAVA



Na 3. sjednici Istražnog povjerenstva za utvrđivanje trošenja donatorskih sredstava, održanoj 6. lipnja, obavljen je razgovor s Vinkom Zorićem, zamjenikom predsjedatelja Istražnog povjerenstva za utvrđivanje trošenja donatorskih sredstava u mandatu 2006.-2010. godine.

Dogovoreno je da na sljedeću sjednicu Povjerenstva budu pozvani predstavnici policijskih agencija, Ministarstva pravde BiH, tužiteljstva i drugih mjerodavnih institucija.

Jedan od ciljeva planiranog sastanka je definirati mogućnosti za imenovanje stal-

nog predstavnika Ministarstva pravde BiH koji bi sudjelovao u radu Povjerenstva i njegovim istražnim radnjama, kao i obaviti razgovore vezane uz pripremu Prijedloga zakona o parlamentarnoj istrazi.

ČLANOVI ISTRAŽNOG POVJERENSTVA ZASTUPNIČKOG DOMA ZA UTVRĐIVANJE TROŠENJA DONATORSKIH SREDSTAVA RAZGOVARALI S MINISTROM PRAVDE BiH

Predsjedatelj Istražnog povjerenstva Zastupničkog doma za utvrđivanje trošenja donatorskih sredstava Zvonko Jurišić i zamjenici predsjedatelja Šemsudin Mehmedović i Borislav Bojić razgovarali su 21. lipnja s ministrom pravde BiH Barišom Čolakom o potrebi donošenja zakona o parlamentarnim istragama.

Predsjedatelj Istražnog povjerenstva istaknuo je kako je ovo treće istražno povjerenstvo za utvrđivanje trošenja donatorskih sredstava formirano u Zastupničkom domu PSBiH, te da

je jedan od osnovnih problema u njegovom radu to što nema odgovarajućih mehanizama za sankcioniranje onih koji ne surađuju s ovim tijelom.

Bariša Čolak obećao je da će Ministarstvo pravde BiH učiniti sve što je u njegovoj nadležnosti kako bi Istražno povjerenstvo na što bolji način obavljalo svoj posao.

Također je u razgovoru zaključeno potrebnim u rad Istražnog povjerenstva uključiti i predstavnika Ministarstva pravde BiH.

Predstavnici tima za monitoring Vijeća Europe razgovarali s članovima kolegijâ obaju domova i članovima ustavnopravnih povjerenstava



PONOVNO NAGLAŠENA OBVEZA PROVEDBE PRESUDE U PREDMETU SEJDIĆ I FINCI PROTIV BiH

Članovi kolegijâ Zastupničkog doma i Doma naroda Parlamentarne skupštine Bosne i Hercegovine susreli su se 5. lipnja s predstavnicima Odbora za monitoring Parlamentarne skupštine Vijeća Europe, suizvjestiteljima Karin Woldseth i Egidijusom Vareikisom, kao i voditeljicom Odjela za monitoring Caroline Ravaud. Gosti su na sastanku najavili da će sljedeće izvješće o Bosni i Hercegovini biti cjelovito i neće se baviti samo provedbom presude u predmetu *Sejdić i Finci protiv BiH*, nego će općenito odslikati ispunjavanje demokratskih obveza koje su i dalje pred Bosnom i Hercegovinom.

U razgovoru su članovi tima za monitoring pozdravili napredak ostvaren u posljednjih

nekoliko mjeseci, od uspostave Vijeća ministara do donošenja ključnih zakona, poput Zakona o popisu stanovništva i Zakona o državnoj potpori.

Ponovo je naglašena obveza provođenja presude u predmetu *Sejdić i Finci protiv BiH*, zatim ispunjavanja drugih poslijeprijamnih obveza koje naša zemlja ima kao članica Vijeća Europe te popune tijela ove međunarodne organizacije stručnjacima iz Bosne i Hercegovine.

Parlamentarnu skupštinu BiH na ovome su sastanku predstavljali predsjedatelj i zamjenici predsjedatelja Zastupničkog doma, Milorad Živković, Božo Ljubić i Denis Bećirović, te zamjenik predsjedatelja Doma naroda Ognjen Tadić i predsjedateljica Kluba izaslanika hrva-

tskoga naroda u Domu naroda Borjana Krišto.

Članovi ustavnopravnih povjerenstava Zastupničkog doma i Doma naroda PSBiH, Šefik Džaferović, Mato Franjičević, Borjana Krišto, Krstan Simić i Halid Genjac, istoga dana razgovarali su i s predstavnicima tima za monitoring Vijeća Europe. Osim provedbe presude u predmetu *Sejdić i Finci protiv BiH*, na sastanku je bilo riječi i o provođenju lokalnih izbora u Mostaru, izmjenama Izbornog zakona, Zakona o financiranju političkih stranaka i Zakona o sukobu interesa u institucijama vlasti BiH. Susretu je bila nazočna i Mary Ann Hennessey, voditeljica Ureda Vijeća Europe u BiH.

U ORGANIZACIJI KLUBA ZASTUPNIKA SDS-A ODRŽAN OKRUGLI STOL POD NAZIVOM "ULOGA MEDIJA U POLITIČKOM ŽIVOTU"

Klub zastupnika SDS-a organizirao je 6. lipnja okrugli stol pod nazivom „Uloga medija u političkom životu“, povodom prijedlogâ zakonâ o izmjenama zakonâ o javnom RTV sustavu i RTV servisu BiH.

Radne teme skupa bile su "Javni diskurs u medijskom prostoru BiH" i "Prijedlog zakona o izmjenama Zakona o Javnom radiotelevizijskom sustavu BiH i Prijedlog zakona o izmjenama zakona o Javnom radiotelevizijskom

servisu BiH - promjena sustava i izvora financiranja“.

U raspravi su sudjelovali ugledni znanstvenici i stručnjaci te predstavnici medija, političkih stranaka i međunarodnih organizacija.



ODRŽANA KONFERENCIJA O TEMI: „DEMOKRATSKI NADZOR NAD ORUŽANIM SNAGAMA KAO TEMELJNO NAČELO REFORME SEKTORA SIGURNOSTI - REGIONALNA PERSPEKTIVA“

U zgradi Parlamentarne skupštine BiH je 12. i 13. lipnja održana regionalna konferencija posvećena temi: „Demokratski nadzor nad oružanim snagama kao temeljno načelo reforme sektora sigurnosti: regionalna perspektiva“.

Konferencija je održana u organizaciji Zajedničkog povjerenstva za obranu i sigurnost BiH i Centra za sigurnosnu suradnju (RACVIAC), a uz potporu Stožera NATO-a u BiH, Misije OEES-a u BiH, Ženevskog centra za demokratski nadzor oružanih snaga (DCAF), te Ministarstva obrane i sporta Republike Austrije.

Budući da su ranije održane konferencije ocijenjene kao važan forum parlamentaraca i stručnjaka iz jugoistočne Europe odgovornih za nadzor nad oružanim snagama i sigurnosnim sektorom, i ova je konferencija organizirana kao nastavak serije godišnjih događaja.

U ime Zajedničkog povjerenstva za obranu i sigurnost BiH, u radu konfe-

rencije sudjelovali su: Dušanka Majkić, predsjedateljica, Šefik Džaferović, drugi zamjenik predsjedateljice, Mehmed Bradarić, Beriz Belkić, Krunoslav Vrdoljak i Nermina Zaimović-Uzunović. U ime Parlamentarne skupštine BiH, konferenciji je bio nazočan i Boško Šiljegović, parlamentarni vojni povjerenik BiH.

Uz predstavnike Parlamentarne skupštine BiH, u radu ove konferencije sudjelovali su i predstavnici: parlamenta i resornih ministarstava obrane i sigurnosti zemalja jugoistočne Europe, nevladinih organizacija, akademske zajednice u BiH i međunarodnih organizacija u BiH.

Uvodnim obraćanjima sudionicima konferencije obratili su se: Dušanka Majkić, predsjedateljica Zajedničkog povjerenstva za obranu i sigurnost BiH, brigadir Željko Capanec, zamjenik direktora RACVIAC-a, Valentin Inzko, visoki predstavnik u BiH, brigadni general Harald Quiel, direktor Odjela za sigurnosnu suradnju Misije OEES-a u

BiH, brigadni general Gary E. Huffman, zapovjednik Stožera NATO-a u Sarajevu, te general-bojnik Robert Brieger, zapovjednik EUFOR-a u BiH.

Sudionicima konferencije također su se obratili Anton Bebler, profesor Sveučilišta u Ljubljani, i dr. Istvan Gyarmati, veleposlanik i stariji politički savjetnik ženevskog DCAF-a. Oni su u svojim prezentacijama govorili o civilno-vojnim odnosima i demokratskom nadzoru nad oružanim snagama, nacionalnoj sigurnosti pod parlamentarnim nadzorom i važnosti uspostave međunarodnih standarda.

Na prvom panelu govoreno je o civilno-vojnim odnosima i demokratskom nadzoru nad sigurnosnim sektorom. U sklopu ovoga panela izlagali su: brigadir Dragoš Milanković, predstavnik Ministarstva obrane BiH, Rohan Maxwell, voditelj Vojno-političkog odjela Stožera NATO-a u Sarajevu, te Adam Chmielewski, predstavnik Ministarstva vanjskih poslova Poljske.

Izlagači su u svojim prezentacijama

govorili o reformi sigurnosnog sektora kao novoj paradigmi za civilno-vojne odnose, o reformi obrane u Bosni i Hercegovini i njenim posljedicama na civilno-vojne odnose, te o civilno-vojnim odnosima u državama članicama NATO-a i Europske unije, s posebnim osvrtom na osnovne korake u razvoju demokratskog nadzora u Republici Poljskoj.

Na drugom panelu dani su odgovori na pitanja u vezi s nacionalnom sigurnošću

pod nadzorom parlamenta i u uvjetima učinkovitog nadzora, a nazočnima su se obratili: Dušan Zoller, voditelj parlamentarne sekcije Misije OEES-a u BiH, Dominik Horn, politički savjetnik zapovjednika EUFOR-a u BiH, Teodora Fuior, koordinatorica Odjela za operacije DCAF-a iz Ženeve, te dr. Lada Sadiković, profesorica Fakulteta kriminalističkih nauka Univerziteta u Sarajevu. Prezentirane su i nove sigurnosne prijetnje te budući razvoj demokratskog nad-

zora nad sektorom sigurnosti, zatim demokratski nadzor nad sektorom sigurnosti kao međunarodni standard i uvjet, demokratsko upravljanje sektorom sigurnosti i specifične uloge sudionika u ovome procesu i, na posljetku, pravni uvjeti za učinkovit parlamentarni nadzor.

Drugoga dana uz dva panela održan je i plenum, a bilo je riječi o parlamentarnom nadzoru nad sigurnosnim sektorom.



Aleksandra Pandurević razgovarala s posebnom predstavnicom OEES-a za borbu protiv trgovine ljudima

OSTVAREN ZNAČAJAN POMAK U POSLJEDNJIH DESET GODINA U BORBI PROTIV TRGOVINE LJUDIMA

Predsjedateljica Zajedničkog povjerenstva za ljudska prava, prava djeteta, mlade, useljništvo, izbjeglice, azil i etiku Aleksandra Pandurević razgovarala je 13. lipnja s posebnom predstavnicom OEES-a za borbu protiv trgovine ljudima Mariom Graziom Giammarinaro.

„U našoj zemlji ima mnogo problema, ali postoje i područja, poput borbe protiv trgovine ljudima, na kojima je ostvaren značajan pomak u posljednjih deset godina. U razdoblju od 1998. do 2000. godine stanje je bilo alarmantno. Cvjetale su trgovina ljudima i prostitucija, što danas nije slučaj“, istaknula je Aleksandra Pandurević za vrijeme susreta.

Predsjedateljica Pandurević pohvalila je to što je Bosna i Hercegovina u

kratkome roku s *Watch* liste *State Departmenta* uvrštena u skupinu jedan, među 31 zemlju koje se uspješno bore s trgovinom ljudima.

„Međutim, naši zadaci su“, rekla je ona, „unaprijediti zakonodavstvo u smislu pooštavanja sankcija koje su trenutačno ponižavajuće za žrtve trgovine ljudima“.

Aleksandra Pandurević je za vrijeme susreta naglasila kako još nisu potpuno identificirana djeca koja su natjerana na prosjačenje, no podaci pokazuju kako ih u više od 95% slučajeva na prosjačenje tjeraju roditelji.

„Danas je veliki izazov boriti se protiv trgovine ljudima u smislu radnog iskorištavanja, kao i trgovine djetetom“, istaknula je predsjedateljica Pandurević, konstatirajući da se sve in-

stitucije u Bosni i Hercegovini uspješno nose s ovim problemima, ali i da je potrebno poboljšati zakonodavstvo, uskladiti ga s europskim direktivama i više se angažirati na zaštiti svjedoka i žrtava.

Naglasivši kako će nakon posjeta našoj zemlji biti pripremljeno izvješće s preporukama, Maria Grazia Giammarinaro rekla je da je u Bosni i Hercegovini postignut izniman napredak u borbi protiv trgovine ljudima, ali je riječ o problemu koji uvijek ima nove pojavne oblike.

„Zbog toga je važno da svi, a među njima i Zajedničko povjerenstvo za ljudska prava, ulože dodatni napor u usklađivanju domaćeg zakonodavstva s europskim standardima“, rekla je predstavica Giammarinaro.

ПАРЛАМЕНТАРНИ ВОЈНИ ПОВЈЕРЕНИК БИХ ПОСЈЕТИО ПРИПАДНИКЕ ОРУЖАНИХ СНАГА БИХ КОЈИ СЕ НАЛАЗЕ У МИРОВНИМ МИСИЈАМА У АВГАНИСТАНУ

Парламентарни војни повјереник БиХ, Бошко Шиљековић, од 15. до 24. маја, са представницима тима Оружаних снага БиХ (ОСБиХ) у којем су били бригадни генерали Сенад Машовић и Хусеин Турсуновић, мајор Сениша Антељевић, капетан Александар Шегрт и поручник Роберт Висковић, боравио је у посјети припадницима Оружаних снага БиХ који се налазе у мировним мисијама у Авганистану. Током боравка у Авганистану војни повјереник се сусрео са припадницима

нагласио је да се као отежавајућа околност показала опрема коју су задужили припадници јединице у БиХ. „Квалитет задужене опреме је упитан, а климатски услови као и састав земљишта су веома екстремни за опрему коју користе припадници ОСБиХ. Када је у питању опрема коју су задужили од ОС Краљевине Данске, припадници јединице су имали ријечи хвале, што указује да је опрема која је дата на коришћење веома квалитетна и корисна за извршење мисије“,

БиХ, а што ће у великој мјери олакшати извршење задатака припадника ОСБиХ.

Шиљековић је током посјете разговарао и са нашим официрима који дужности обављају у саставу контингента Оружаних снага СР Њемачке у зони Регионалне команде Сјевер, а који су својевремено заједно са припадницима њемачког контингента обучени за мисију у којој се данас налазе, као и са припадницима ОСБиХ у саставу контингента Оружаних снага



Парламентарни војни повјереник БиХ Бошко Шиљековић четврти слијева

4. ротације Пјешадијске јединице Оружаних снага БиХ из састава 5. пјешадијске бригаде који се налазе у мисији Снага међународне безбједносне помоћи (ИСАФ) у авганистанској провинцији Хелманд, а која броји укупно 45 припадника међу којима су и двије жене. Ова јединица налази се у саставу контингента Оружаних снага Краљевине Данске у Главној оперативној бази „Прајс“.

„Били смо импресионирани изнесеном оцјеном команданта данског контингента и изјавом команданта РЦ-СВ о томе да припадници ОСБиХ ангажовани као ФПУ у саставу данског контингента уживају стопостотно повјерење, као и наглашавањем најпозитивнијих ставова о њиховом ангажману и доприносу“, истакао је Шиљековић.

Парламентарни војни повјереник

подвлачи Шиљековић, који је додао да је убудуће важно идентификовати елементе које треба унаприједити у фази припреме и обуке на територији

Републике Хрватске у Школи војне полиције Авганистанске националне армије (АНА) у Кабулу, који учествују у обуци авганистанске војске.

Закључци

1. Међу припадницима 4. ротације нема жалби на услове живота и смјештаја у бази „Прајс“.
2. Међу припадницима 4. ротације нема жалби на кршење људских права и основних слобода, цијенећи услове и околности у којима се налазе, како од надређених из Оружаних снага БиХ тако и од руководних официра данског контингента.
3. Здравствено стање свих припадника 4. ротације је добро, квалитетно извршавају додијељене задатке и обавезе, и што је посебно важно, међуљудски односи су коректни и крајње колегијални.
4. Уживање вјерских слобода прилагођено је условима и околностима у којима се налазе, те по том питању није било жалби.
5. У 4. ротацији су и двије припаднице Оружаних снага БиХ које нису имале притужби на однос колега према њима, при чему су истакле чињеницу да се налазе у равноправном положају са осталим војним лицима у војној бази „Прајс“.



ДЕЛЕГАЦИЈА ПСБиХ БОРАВИЛА У КАНАДИ

Делегација Парламентарне скупштине Босне и Херцеговине у којој су били председавајући Представничког дома Милорад Живковић, замјеник председавајућег Денис Бећировић, председавајући Групе пријатељства ПСБиХ са Канадом Драго Калабић и делегат у Дому народа ПСБиХ Мартин Рагуж боравила је у посјети Парламенту Канаде од 28. маја до 2. јуна 2012. године.

Том приликом сусрели су се са предсједником Представничког дома Ендром Широм и предсједником Сената Канаде Ноелом Кинселом. Током састанака изражена је нада да односи између парламената могу и треба да буду унапријеђени, чему би свакако допринијела и ратификација споразума значајних за бх. дијаспору у овој земљи, посебно Споразума о социјалној заштити, Споразума о младима као и других докумената који би омогућили

бољу, сигурнију и перспективнију будућност.

Председавајући Живковић и чланови бх. делегације и овом приликом су захвалили Канади на помоћи коју је пружала народу и држави БиХ, учешћем војних снага у очувању мира као и у изградњи демократских процеса у нашој земљи.

Током састанака са предсједницима оба дома Парламента Канаде, али и са члановима Комисије за националну одбрану, Комисије за спољне односе и међународни развој и другим представницима парламента ове земље, изражена је нада да ће Канада подржати европски пут Босне и Херцеговине и чланство у НАТО-у.

Градоначелник Торонта Роб Форд и његов замјеник Даг Холидеј такође су примили у службену посјету делегацију Парламентарне скупштине

БиХ. Овом приликом затражено је од градоначелника да се заложи за олакшавање визног режима за држављане БиХ који по разним основама долазе у ову земљу.

Разговарано је и о могућностима братимљења градова Торонта и Сарајева у будућности.

Делегација ПСБиХ разговарала је у Торонту и са Дејвом Леваком, предсједником Законодавне скупштине Онтарија.

У организацији Амбасаде БиХ у Канади, чланови делегације Парламентарне скупштине БиХ састали су се са представницима дијаспоре БиХ у Торонту и разговарали о могућностима улагања у Босну и Херцеговину. Том приликом наглашена је потреба за увођењем олакшица приликом регистрације фирми и уклањањем постојећих административних препрека.

ЗАМЈЕНИК ПРЕДСЈЕДАВАЈУЋЕГ ДОМА НАРОДА ОГЊЕН ТАДИЋ И ЗАМЈЕНИК ПРЕДСЈЕДАВАЈУЋЕГ ПРЕДСТАВНИЧКОГ ДОМА ДЕНИС БЕЋИРОВИЋ УЧЕСТВОВАЛИ НА ПРВОМ СВЈЕТСКОМ САМИТУ ЗАКОНОДАВАЦА У РИО ДЕ ЖАНЕИРУ

Замјеник председавајућег Дома народа Огњен Тадић и замјеник председавајућег Представничког дома ПСБиХ Денис Бећировић учествовали су на Првом свјетском самиту законодаваца који је од 15. до 17. јуна одржан у Рио де Жанеиру. Првог дана самита одржана је уводна сесија о теми: "Потреба за посвећеношћу законодавним процесима" док су кључне пленарне сесије другог дана конференције биле "Природни капитал - Да ли државе постају сиромашније упркос илузији економског раста?" и "Надзор".

Теме трећег дана самита, "Прихватање националних закона" и "Законодавство", биле су усмјерене на размјену најбољих законодавних пракси.

Циљеви Свјетског самита законодаваца, на којем су учествовали представници 66 парламената из цијелог свијета, били су препознавање улоге законодаваца у надгледању и провјеравању рада влада, те законодавство - препознавање улоге законодаваца у изради и доношењу закона.

Учесницима Самита законодаваца у Бразилу обратио се и замјеник председавајућег Дома народа Парламентарне скупштине Босне и Херцеговине Огњен Тадић. Он је истакао

да је након Првог земаљског самита у Рију, који је одржан 1992. године, повећан ниво политичке свијести о животnoj средини, али да се стање у тој области и даље погоршава. Истакао је да је Босни и Херцеговини дата могућност за реализацију билатералних пројеката са индустријски развијеним земљама, путем тзв. механизма чистог развоја (*Clean Development Mechanism – CDM*) с обзиром на то да је ратификовала Протокол из Кјота.

На основу Протокола, Босна и Херцеговина је формирала Извршни одбор Овлашћеног тијела БиХ (*Designated National Authority – DNABiH*) за спровођење пројеката чистог развоја у оквиру Протокола из Кјота уз Оквирну конвенцију и већ реализовала одређени број захтјева за спровођење пројеката механизма чистог развоја.

Говорећи о потреби заштите природе, Тадић је подсетио да су притисци на природу веома наглашени.

Рекао је да су дугогодишњи процеси емисије различитих материја условили врло значајне климатске промјене, које се првенствено огледају у наглашеним термичким промјенама атмосфере, што доводи до озбиљних конверзија станишта и угрожавања биодиверзитета.

Учесницима се обратио и Денис Бећировић, замјеник председавајућег Представничког дома Парламентарне скупштине Босне и Херцеговине. Он је истакао да посљедњих година у свијету па и у БиХ расте свијест о потреби очувања и заштите природе, као важног дијела животне средине, претварајући је у cjеловит и дугорочан концепт развоја. Бећировић је додао да је, статистички гледано, много тога у Босни и Херцеговини до сада урађено, али то су тек први кораци у овој комплексној области зато што закони нису потпуно усклађени са европским стандардима и директивама.

Он је нагласио да нам предстоји огроман посао у усклађивању наших прописа са европским.

Такође, навео је и потребу предузимања одговарајућих корака и утврђивање мјера којима би се процес одрживог развоја унаприједио и окренуо у правцу зелене и плаве економије, што је тенденција на глобалном плану.

На крају је донесена платформа за унапређење и размјену најбољих законодавних пракси, као и за промовисање механизма у оквиру међународних процеса које може препознати национално законодавство.

ГРУПА ПРИЈАТЕЉСТВА БУНДЕСТАГА БОРАВИЛА У ПОСЈЕТИ ПАРЛАМЕНТАРНОЈ СКУПШТИНИ БиХ

Председавајући Сулејман Тихић и чланови Групе пријатељства за западну Европу Парламентарне скупштине БиХ, Бошко Томић, Борјана Кришто, Мирсад Мешић, Амир Фазлић и Асим Сарајлић, разговарали су 3. маја са Групом пријатељства Бундестага, коју је предводила председавајућа ове парламентарне групе, Марилуиз Бек. „Захваљујемо на свему што је СР Њемачка учинила за Босну и Херцеговину током рата као и на напорима уложеним за успостављање, а касније и одржавању мира у нашој земљи“, рекао је председавајући Тихић.

Тихић је истакао да је садашња политичка ситуација у БиХ оптерећена одређеним неријешеним питањима, у првом реду питањем спровођења пресуде у предмету Сејдић и Финци, спровођењем Одлуке Уставног суда у вези са градом Мостаром и локалним изборима у Сребреници.

Марилуиз Бек је рекла да је Бундестаг пратио ситуацију у нашој земљи са одређеним степеном забринутости.

„Међутим, недавно излагање министра спољних послова БиХ, Златка Лагумџије, када је он у Савјету Европе са доста оптимизма говорио о БиХ, смирило је све оне који су забринуте за будућност ове земље“, истакла је Марилуиз Бек.

Бошко Томић апеловао је на посланике Бундестага да охрабре њемачке инвеститоре да повећају свој ангажман у БиХ, док је Борјана Кришто истакла да је темељ сваке државе устав, те самим тим безбједност и стабилност земље зависе од уставних принципа који свим грађанима и народима морају гарантовати једнакост. Делегација Групе пријатељства Бундестага са БиХ, у оквиру службене посјете Парламентарној скупштини Босне и Херцеговине, сусрела се и са члановима колегијума Представничког дома и Дома народа. Председавајући Представничког дома Милорад Живковић упознао је госте са актуелним стањем и успјешно окончаним процесима, нагласивши да је тренутно најактуелнији договор

о коначном спровођењу пресуде у предмету Сејдић и Финци.

Чланови колегијума оба дома Парламентарне скупштине БиХ такође су нагласили да БиХ већу пажњу треба да посвети развоју економије и привлачењу страног капитала.

Према ријечима Марилуиз Бек, уз неупитну подршку Њемачке на европском путу БиХ, у центру власти ове земље треба да буду развој економије и смањење стопе незапослености, како би се спријечио одлазак младих људи из ње.

У оквиру њене службене посјете ПСБиХ, са члановима Групе пријатељства у одвојеним сусретима разговарали су и Мирза Кушљугић, те чланови Комисије за спољне послове Представничког дома ПСБиХ, Звонко Јуришић и Младен Иванковић Лијановић, председавајући Заједничке комисије за европске интеграције Халид Гењац, као и чланови ове комисије, Шефик Џаферовић, Стјепан Крешић, Нермин Пурић, Нермина Заимовић-Узунковић и Весна Крстовић-Спремо.





ЧЛАНОВИ КОЛЕГИЈУМА ОБА ДОМА ПАРЛАМЕНТАРНЕ СКУПШТИНЕ БиХ РАЗГОВАРАЛИ СА МИНИСТРОМ СПОЉНИХ ПОСЛОВА РЕПУБЛИКЕ ТУРСКЕ

Чланови колегијума Представничког дома и Дома народа Парламентарне скупштине БиХ разговарали су 4. маја са министром спољних послова Републике Турске Ахметом Давутоглуом.

„Свеукупна подршка Турске Босни и Херцеговини је неупитна и пружићемо вам помоћ да се заједно са регионом Балкана интегришете у европске токове. О Балкану је потребно размишљати као о дијелу Европске уније који ће постати њен значајан дио и захваљујући тим интеграцијама осигураће се трајна стабилност и

безбједност цијелог региона. Турска подржава Босну и Херцеговину као најљепши модел заједничког живота а као ваши искрени пријатељи истински желимо да он опстане и очврсне“, истакао је том приликом Давутоглу.

Предсједавајући Представничког дома Милорад Живковић захвалио је на свеукупној помоћи Турске и рекао да је Босни и Херцеговини економска и финансијска помоћ добродошла, али без условљавања.

„Охрабрујемо све оне који желе инвестирати али без постављања политичких услова“, нагласио је

предсједавајући Живковић, и додао да је цијели простор Босне и Херцеговине врло отворен за такву врсту сарадње. Министар Давутоглу истакао је важност прикључења Босне и Херцеговине НАТО-у, односно активирања Акционог плана за чланство (МАП) који би био гаранција мира и безбједности.

Током сусрета делегација истакнута је и потреба подршке Турске Дејтонском мировном споразуму.

Такође, разговарано је и о пројектима подстицаја бх. привреди, стимулацији малих и средњих предузећа, нарочито у области пољопривреде.

ГЕНЕРАЛНИ СЕКРЕТАР САВЈЕТА ЕВРОПЕ ПОСЈЕТИО ПАРЛАМЕНТАРНУ СКУПШТИНУ БиХ

Чланови Парламентарне скупштине Босне и Херцеговине: Денис Бећировић, замјеник предсједавајућег Представничког дома, Асим Сарајлић, предсједавајући Клуба посланика СДА у Представничком дому, и Сташа Кошарац, предсједавајући Клуба делегата српског народа у Дому народа, разговарали су 7. маја у Сарајеву са генералним секретаром Савјета Европе Торбјорном Јагландом.

„За Босну и Херцеговину најзначајнији корак у овом тренутку је да пронађе рјешење за спровођење пресуде у предмету Сејдић и Финци и да оно садржи стварне а не формалне промјене. Уколико се не пронађе рјешење до љета, постоји реална могућност да се локални избори а затим и парламентарни 2014. године одрже у складу са постојећим уставом, а остварене резултате међународна заједница неће моћи признати. Због тога апелујемо да уложите додатне напоре како би се за ово веома важно питање пронашло рјешење. Вјерујемо да ће Босна и Херцеговина кренути убрзаним темпом на свом европском путу“, истакао је Торбјорн.

Разговарано је и о атмосфери која влада у Босни и Херцеговини у посљедњих неколико мјесеци.

ОДРЖАН СУСРЕТ РУКОВОДСТВА ПСБиХ СА ПАРЛАМЕНТАРЦИМА ИЗ ВЕЛИКЕ БРИТАНИЈЕ

Чланови колегијума домова Парламентарне скупштине Босне и Херцеговине, предсједавајући Представничког дома Милорад Живковић и замјеници предсједавајућег Дома народа Сулејман Тихић и Огњен Тадић, те посланик Саша Магазиновић разговарали су 14. маја у Сарајеву са члановима Парламента Велике Британије Карен Лимли, Гито Бебом, Гемом Дојл и Емом Рејнолдс.

Том приликом гостима су изнесена виђења актуелног тренутка Босне и Херцеговине у свјетлу спровођења пресуде Европског суда за људска права у предмету Сејдић и Финци против БиХ, затим испуњавања обавеза БиХ с циљем прикључења ЕУ и НАТО, као и расправа које се воде о укидању супервизије за Брчко Дистрикт и организацији локалних избора у Сребреници.

При томе је истакнуто да о неопходности рјешавања ових питања постоји сагласност најзначајнијих политичких актера у нашој земљи, те напредак у ставовима па има простора за очекивање да ће несугласице у наредном периоду бити отклоњене.

Британским парламентарцима исказана је захвалност за помоћ коју је Велика Британија пружила и у процесу успостављања мира у Босни и Херцеговини и у стварању услова за економски просперитет земље.

ДЕЛЕГАЦИЈА ПАРЛАМЕНТАРНЕ СКУПШТИНЕ БиХ БОРАВИЛА У СЛУЖБЕНОЈ ПОСЈЕТИ ВЕЛИКОЈ БРИТАНИЈИ

Делегација Парламентарне скупштине Босне и Херцеговине у којој су били Халид Ђеџац, Драган Вранкић, Нермина Ђемаловић и Борислав Бојић, током службене посјете Великој Британији у којој су боравили од 26. до 28. јуна, сусрела се са члановима Британске групе при Интерпарламентарној унији.

Током сусрета разговарано је о актуелној политичкој ситуацији у Босни и Херцеговини, односно начинима на који се може превладати стагнација у даљем напретку БиХ на путу у Европску унију. Такође, размијењена су мишљења у вези са спровођењем пресуде Суда за људска права у Стразбуру у предмету Сејдић и Финци против Босне и Херцеговине, те је истакнуто како је очигледно да политичка

миоилажења постоје, али је охрабрујуће што је пресуда договорена у дијелу који се односи на избор делегата у Дом народа ПСБиХ.

На крају сусрета представници британске групе обећали су како ће учинити све што је у њиховој моћи да помогну БиХ на путу ка ЕУ, али и да она сама мора рјешавати своје унутрашње проблеме. Нагласили су да лидери политичких партија морају сами договарати структуралне реформе које ће БиХ што прије интегрисати у ЕУ.

Чланови делегације Парламентарне скупштине Босне и Херцеговине разговарали су и са директором Одјела за Западни Балкан Министарства иностраних послова Велике Британије, Овеном Џенкинсом.

Том приликом чланови делегације ПСБиХ упознали су директора Одјела са дешавањима у вези са промјенама парламентарне већине, те изразили очекивање да Велика Британија настави подржавати БиХ и у политичком и у економском смислу.

Господин Џенкинс је рекао да влада његове земље даје велики значај стабилности Балкана, те нагласио да ће они и даље бити активно укључени у активности земаља региона на њиховом путу у Европску унију. Такође, истакао је да међународна заједница не жели наметати никаква рјешења, него настоји бити равноправан партнер Босни и Херцеговини на њеном путу у ЕУ.

Чланови Колегијума Представничког дома Парламентарне скупштине БиХ одржали састанак са предсједником Представничког дома Парламента Италије

ИТАЛИЈА ЖЕЛИ ДА БУДЕ ПРИЈАТЕЉ КОЈИ НЕ ДИКТИРА УСЛОВЕ НЕГО СЛУША ПОТРЕБЕ



Чланови Колегијума Представничког дома Парламентарне скупштине Босне и Херцеговине сусрели су се 21. маја у ПСБиХ са предсједником Представничког дома Парламента Италије Ђанфранком Финијем.

Током разговора г. Фини имао је прилику да се упозна са виђењима актуелног тренутка Босне и Херцеговине са посебним акцентом на спровођење пресуде у предмету Сејдић и Финци,

која је преостали услов за стицање кандидатског статуса за пријем у Европску унију. Он је такође изразио одређеност Италије да помогне Босни и Херцеговини у евроатлантским интеграцијама, али на начин да буде пријатељ који не диктира услове него слуша потребе.

Када су у питању економске везе и трговинска размјена двије пријатељске земље, изражена је потреба да Италија

оконча ратификацију споразума о економској сарадњи као и о избегавању двоструког опорезивања. Предсједник Фини истакао је и могућност да италијанска привреда која се у великој мјери базира на еластичним малим и средњим предузећима нађе већи интерес за присуство на тржишту Босне и Херцеговине, за које је истакао да јасно располаже огромним потенцијалом.

ЧЛАНИЦА ДЕЛЕГАЦИЈЕ ПАРЛАМЕНТАРНЕ СКУПШТИНЕ БОСНЕ И ХЕРЦЕГОВИНЕ У ПАРЛАМЕНТАРНОЈ СКУПШТИНИ САВЈЕТА ЕВРОПЕ ИСМЕТА ДЕРВОЗ УЧЕСТВОВАЛА НА САСТАНКУ КОМИТЕТА ЗА РАВНОПРАВНОСТ И НЕДИСКРИМИНАЦИЈУ ПССЕ

Чланица Делегације Парламентарне скупштине Босне и Херцеговине у Парламентарној скупштини Савјета Европе (ПССЕ), Исмета Дервоз учествовала је 4. јуна у раду Комитета за равноправност и недискриминацију ПССЕ, који је одржан у Паризу.

На иницијативу Исмете Дервоз, с циљем детаљнијег разумијевања садржаја, промијењен је назив Извјештаја Атине Куриакиду у вези са вишеслојном дискриминацијом жена у Европи у свјетлу борбе за једнаке могућности у земљама у којима су муслимани у мањини.

Такође, на састанку је представљен и Прелиминарни извјештај о улози невладиног сектора у борби против нетолеранције, расизма и ксенофобије, као и Предлог декларације о ургентности потребе доношења закона који би спријечили забрињавајући раст сексуалног узнемиравања у Француској. У вези с тим, истакнут је значај ратификовања Конвенције Савјета Европе из Истанбула под називом „Превентива и борба против насиља над женама и насиља у породици“.

Учесници су размијенили мишљења

и о забрињавајућој појави раста инжењеринга, одабира пола новорођене дјеце у бројним земљама Европе, те покренули иницијативу за израду извјештаја о улози законодаваца у превенцији растућег проблема расизма, насиља над дјецом, као и Ромима у породици и друштву.

Присутнима су презентовани и приоритети шестомјесечног предсједавања Албаније у Комитету министара Савјета Европе под мотом „Уједињени у различитостима“, као и Меморандум о правима лезбијске, геј и транссексуалне популације (LGBTs).



ОСТАЛЕ МЕЂУНАРОДНЕ АКТИВНОСТИ ДЕЛЕГАЦИЈА ПАРЛАМЕНТАРНЕ СКУПШТИНЕ БиХ

6. маја, у Београду, члан Делегације Парламентарне скупштине БиХ у Парламентарној скупштини ОЕБС-а, Лазар Продановић, у оквиру међународне посматрачке мисије, учествовао у надгледању избора у Републици Србији.
Од 12. до 14. маја, у Батумију, члан Делегације Парламентарне скупштине БиХ у Парламентарној скупштини ОЕБС-а, Мирза Кушљугић, учествовао у раду Економске конференције Парламентарне скупштине ОЕБС-а под називом "Јачање економске сарадње и стабилности у региону ОЕБС-а".
21. маја, у Паризу, чланица Делегације Парламентарне скупштине БиХ у Парламентарној скупштини Савјета Европе, Нермина Капетановић, учествовала на састанку Комитета за правне послове и људска права ПССЕ.
21. маја, у Загребу, предсједавајући Мирза Кушљугић и чланови Комисије за спољне послове Представничког дома ПСБиХ, Звонко Јуришић, Милица Марковић и Младен Иванковић Лијановић, боравили у службеној посјети Републици Хрватској.
24. маја, у Кијеву, члан Делегације Парламентарне скупштине БиХ у Парламентарној скупштини Централноевропске иницијативе, Звонко Јуришић, учествовао на засједању комисије Парламентарне димензије ЦЕИ и одржао говор о теми: „Туризам и мобилност грађана као средство за јачање интеракције међу државама“.
Од 25. до 28. маја, у Талину, чланови Делегације Парламентарне скупштине БиХ у Парламентарној скупштини Сјеверноатлантског савеза (ПНАТО), Асим Сарајлић и Божо Љубић, учествовали на прољетном засједању ПНАТО-а.
Од 28. до 30. маја, у Букурешту, посланица Исмета Дервоз учествовала на састанку Комитета за науку, културу, образовање и медије Парламентарне скупштине Савјета Европе.
31. маја, у Паризу, члан Делегације Парламентарне скупштине БиХ у Парламентарној скупштини Савјета Европе, Младен Иванић, учествовао на састанку Комитета за поштовање обавеза и ангажмана земаља чланица Савјета Европе (Комитет за мониторинг).
25. и 26. јуна, у Будви, чланови Комисије за остваривање равноправности полова Представничког дома ПСБиХ, Милорад Живковић, Бериз Белкић и Зијад Јагодић учествовали у раду Међународне конференције »Цетињски парламентарни форум: Жене, мир, безбједност – двије године касније«.
Од 25. до 28. јуна, у Стразбуру, чланица Делегације Парламентарне скупштине БиХ у Парламентарној скупштини Савјета Европе, Исмета Дервоз, учествовала на засједању Комитета за науку, културу, образовање и медије Парламентарне скупштине Савјета Европе (ПССЕ).
Од 25. до 29. јуна, у Стразбуру, Делегација Парламентарне скупштине Босне и Херцеговине у којој су били: Милица Марковић, Борјана Кришто, Исмета Дервоз, Сенад Шепић, Младен Иванић и Крунослав Врдољак учествовала на трећем редовном засједању Парламентарне скупштине Савјета Европе (ПССЕ). У оквиру засједања Делегација Парламентарне скупштине Босне и Херцеговине у Парламентарној скупштини Савјета Европе (ПССЕ) сусрела се и са делегацијом Црне Горе.
27. и 28. јуна, у Прагу, делегација Парламентарне скупштине Босне и Херцеговине, коју су чинили посланица Александра Пандуревић и делегат Драгутин Родић, учествовала је у својству посматрача на 19. засједању Генералне скупштине Интерпарламентарне скупштине православља.
28. и 29. јуна, у Бриселу, замјеник предсједавајућег Представничког дома Парламентарне скупштине Босне и Херцеговине, Божо Љубић, учествовао на семинару под називом „Модернизација пољопривреде и спровођење заједничке пољопривредне политике“.
29. јуна, у Лисабону, делегација Парламентарне скупштине Босне и Херцеговине у којој су били Шемсудин Мехмедовић и Огњен Тадић учествовала је на састанку Сталног комитета за економску, социјалну и сарадњу у области заштите животне средине (Други комитет) Парламентарне скупштине Медитерана.

ОСТАЛЕ ПОСЈЕТЕ ПАРЛАМЕНТАРНОЈ СКУПШТИНИ БиХ

24. маја, чланови Колегијума Представничког дома Парламентарне скупштине БиХ и чланови Заједничке комисије ПСБиХ за надзор над радом Обавјештајно-безбједносне агенције сусрели се са Комисијом за националну безбједност Велике народне скупштине Републике Турске.
4. јуна, замјеник предсједавајућег Групе пријатељства за Африку и земље Блиског истока Халид Гењац сусрео се са Групом пријатељства Парламента Кувајта.

Припрема заједничког пројекта четири парламента у БиХ ушла у завршну фазу програмирања у оквиру Националног програма ИПА 2012-2013

ОД ПЕТ КОМПОНЕНТИ ДВИЈЕ ПРЕДВИЂАЈУ ТВИНИНГ ПРОЈЕКТЕ, А ТРИ ОПРЕМАЊЕ ПАРЛАМЕНАТА ОПРЕМОМ ЗА ИТ И УСПОСТАВЉАЊЕ СИСТЕМА „Е-ЗАКОНОДАВСТВА“

Након што је идентификациони предлог заједничког пројекта Парламентарне скупштине БиХ, Парламента Федерације БиХ, Народне скупштине РС и Скупштине Брчко Дистрикта почетком априла ове године добио позитивну оцјену Генералног директората за проширење Европске комисије, настављен је рад на његовој изради. Координационо тијело за припрему пројекта које чине представници сва четири парламента те “SPO” пројекта у међувремену је одржало два радна састанка, а у парламентима

је уприличен и низ радних сусрета са консултантима које је као техничку испомоћ у припреми пројектног предлога ангажовала Делегација Европске уније у Босни и Херцеговини. Резултат ових активности је израђена прва верзија пројектне ficheа за твининг пројекат у којем ће учествовати сва четири парламента и једна од законодавних институција неке од земаља чланица ЕУ. Такође, у оквиру преласка из фазе идентификације у фазу формулације Координационо тијело уложило је велики напор и израдило потпуно

усаглашени прелиминарни пројектне ficheа за свих пет компоненти пројекта међу којима су и три компоненте које предвиђају опремање парламената опремом за ИТ, те увођење система „е-законодавства“ у све четири законодавне институције. Садржај овог прелиминарног документа је 20. 06. 2012. Делегацији Европске уније у БиХ презентовао “SPO” пројекта Омар Филиповић, те је након начелно позитивних реакција настављен рад на изради дефинитивног предлога пројекта – “Project fichea”.

ОДРЖАН ПРВИ РЕГИОНАЛНИ САСТАНАК СЛУЖБИ ЗА ИТ ПАРЛАМЕНАТА ИЗ РЕГИОНА

Парламентарна скупштина БиХ, у сарадњи са Мисијом ОЕБС-а у БиХ, организовала је Први регионални састанак служби за ИТ парламената из региона. Састанак под називом „Улога и важност е-парламената: службе за ИТ у процесу приступања ЕУ“ одржан је 29. и 30. маја 2012. године, у згради Парламентарне скупштине БиХ. Сврха одржавања овог регионалног састанка била је окупљање представника служби за ИТ парламената из региона, размјена искустава и знања везаних за успостављање и развој е-парламената, те унапређивање даље сарадње у региону с циљем што бржег приближавања стандардима ЕУ.

Првог дана састанка представници служби за ИТ парламената Албаније, Црне Горе, Србије, Војводине и Брчко Дистрикта презентovali су начин свог функционисања.

Сектор за информационе технологије ПСБиХ презентовао је учесницима организациону структуру Сектора, инфраструктуру којом располаже ПСБиХ, апликације које се користе у свакодневном раду, мониторинг присуства сједницама домова ПСБиХ, електронски досије, интранет портал, те систем електронског гласања. У оквиру презентације Индок сектора ПСБиХ, Одјел за документацију и информације презентовао је апликацију за законодавну процедуру, а Одјел библиотеке начин рада парламентарне библиотеке кроз интранет портал.



Презентација независног експерта Борислава Тодоровића о начину управљања системом е-парламента одржана је другог дана састанка. Борислав Тодоровић је истакао да је најзначајније развити перцепцију о важности пројекта ИТ за функционисање парламената, те да е-парламент није само пројекат сектора за ИТ, него институционални пројекат, те због тога руководићи кадар институција мора водити све значајније пројекте.

Експерти из Републике Србије презентovali су начин рада е-парламента у Народној скупштини Републике Србије, чије је успостављање помогла Мисија ОЕБС-а.

Другог дана састанка дискутовало се о сљедећем: како е-парламент може допринијети развоју парламената, шта је пресудно за успјех пројекта

е-парламент, препоруке за увођење и примјену пројекта е-парламент и како бити боље припремљен за процес приступања ЕУ.

Учесници састанка практично су тестирали е-гласање које се користи на сједницама Дома народа Парламентарне скупштине БиХ.

На састанку су усвојене препоруке које се односе на службе за ИТ у процесу приступања ЕУ. Током одржавања дводневног састанка уприличен је обилазак радних просторија у ПСБиХ. На основу онога што је презентовано, може се закључити да су овакве конференције веома корисне и потребно их је одржавати сваке године или сваке друге године, с обзиром на врло брз напредак и технолошки развој информационих технологија. Веома је значајно и активно учествовање руководства институција на оваквим сусретима.


Информационо-документациони сектор - Одјел библиотеке

СТАТИСТИЧКИ ПРИКАЗ КОРИШЋЕЊА EBSCO БАЗЕ ПОДАТАКА

Библиотека Парламентарне скупштине БиХ у оквиру своје дјелатности користи "EBSCO" базу података од 2005. године. Ријеч је о платформи која представља скуп електронских база података из више различитих области од којих посебно издвајамо: "Academic Search Complete, Business Source Complete, Newspaper Source, Regional Business News".

У графикону је приказана укупна претрага по годинама.

Претраживање EBSCO база података




Од 13. до 19. децембра 2010. године Одјел библиотеке организовао је седам обука из основног претраживања EBSCOhost базе података. Обуке је пратило 130 полазника из Секретаријата ПСБиХ, Дирекције за европске интеграције БиХ, Парламента Федерације БиХ те библиотекари из цијеле Босне и Херцеговине и УСАИД-ово особље запослено на Пројекту јачања парламента у БиХ.

Управо у децембру 2010. године извршено је 6719 претрага те преузето 977 комплетних текстова.

Велико интересовање корисника којима је омогућена континуирана организација индивидуалних и групних обука путем интранет портала – таб Едукација – резултирала је објављивањем ревидираног издања „EBSCOhost Приручника за кориснике“ (Сарајево, ПСБиХ, 2012. година). Приручник, који је припремио Индок сектор уз финансијску подршку УСАИД-овог Пројекта јачања парламента у БиХ, можете преузети на интранету – модул Библиотека – таб Базе података – EBSCO базе података.

Претраживање Legal Collection и Political Science Complete EBSCO база података – 2010. - 2012. године




Претплату за коришћење Legal Collection и Political Science Complete базе података у периоду од јануара 2010. до фебруара 2012. године обезбједио је УСАИД путем Пројекта јачања парламента у БиХ. Ове базе су одабране на основу претраживања и увида у садржај десетак различитих е-база из области права, политике, дипломатије. Претраживања и препоруку о претплати за управо ове двије базе дали су Информационо-документациони сектор и Истраживачки сектор.

У графикону је приказано коришћење Legal Collection и Political Science Complete базе података.

Упоредо са промоцијом е-ресурса, организовањем обука, израдом два приручника за претраживање "EBSCO" базе података вођен је и поступак лиценцирања прве штампане публикације ПСБиХ, зборника са научног скупа који је организовала Заједничка комисија за људска права, права дјетета, имиграцију, избјеглице, азил и етику ПСБиХ, 2002. године. Вишегодишњи поступак окончан је у мају 2012. године.

Публикација је објављена у бази "Political Science Complete". Ријеч је о врло значајном подухвату који је реализовао Одјел библиотеке Индок сектора, а захваљујући којем се ПСБиХ појавила као издавач у међународно признатој и рецензираној бази података.



Прва публикација ПСБиХ објављена у EBSCO бази података





ПАРЛАМЕНТАРНА СКУПШТИНА БИХУ ПРОГРАМУ KID'S ФЕСТИВАЛА

У склопу одржавања популарног Kid's фестивала у Сарајеву, групе основаца су по први пут имале прилику посјетити и Парламентарну скупштину БиХ. Уз подршку УСАИД-овог Пројекта јачања парламента у БиХ посљедња два дана фестивала, 11. и 12. јуна ПСБиХ посјетили су ученици из Рудог и Дрвара. Уз Сектор за односе с јавношћу, њихови домаћини били су посланица у Представничком дом ПСБиХ Исмета Дервоз и делегат у Дому

народа ПСБиХ Мехмед Брадарић. Тако су 11. јуна највишу законодавну институцију у БиХ посјетили ученици Основне школе „Бошко Буха“ из Рудог. Дан послије у згради ПСБиХ боравили су ученици из Основне школе „Дрвар“. Том приликом одржана је презентација, прилагођена њиховом узрасту, о начину функционисања ПСБиХ. Ученици су приликом обиласка имали прилику да виде Велику, Плаву и Бијелу салу Парламентарне скупштине БиХ.







Parlamentarna skupština Bosne i Hercegovine

Trg BiH br. 1, 71000 Sarajevo

Telefon / centrala: +387 33 219 923

Fax: +387 33 226 841

e-mail: omar.filipovic@parlament.ba

www.parlament.ba

ISSN 1840 - 3166